

## შ ი ნ ა ა რ ს ი

- |  |   |   |    |
|--|---|---|----|
| 1. საქართველოში საბჭოთა ზელისფლების და-<br>მყარების XVIII წლისთავის აღსანიშნავი ზეი-<br>მის მზადებისა და ჩატარების შესახებ—ცირ-<br>კულარულად . . . . . | 2 | 5. დებულება—მოზრდილთა დაუსწრებელი სწა-<br>ვლების პედაგოგიური კაბინეტისა . . . . .                           | 10 |
| 2. მუშურ-გლეხური წითელი არმიისა და სამხე-<br>დრო-სახლგო ფლოტის XXI წლისთავის ჩა-<br>ტარებისათვის . . . . .   | 5 | 6. ბრძანება № 262—მწერალთა მუზეუმის რე-<br>ორგანიზაციის შესახებ . . . . .                                   | 11 |
| 3. ბრძანება № 874—მოზარდთა სკოლის დებუ-<br>ლების შესახებ . . . . .   | 7 | 7. ბრძანება 372—საქ. სამხარეთმცოდნეო საზო-<br>გადოების განსახკომის სისტემაში გადასვლის<br>შესახებ . . . . . | 12 |
| 4. დებულება უცოდინარ და მცირემცოდნეთა<br>სკოლის შესახებ . . . . .  | 8 | 8. ბრძანება № 411. ქუთაისის სამხარეთმცოდნეო<br>მუზეუმის შესახებ . . . . .                                   | 12 |
|  |   | 9. საბავშვო ბაღის მუშაობა ოჯახთან . . . . .   | 14 |



საქართველოს სსრ საქალაქო და რაიონულ განათ. განყოფილებაში  
 დაწყებით, აკადემიკოს სავალო და სავალო სკოლის დირექტორებს (მაგ.  
 გავსა), მოზარდობა და მოზარდობა განათლებას სკოლის დირექტორებს  
 განსახლების სისტემაში უმაღლეს უმაღლეს სანაწარმებს, მუშაკებს.  
 საქალაქო-სამეცნიერო, საქალაქო, საბავშვო და სხვა ქვეყნებში  
 რა დაწესებულებებს.

ასლი-აფხაზეთისა და აჭარის ახსრ განსახმომებზე და სახვრეთ-ოხეთის ავტ. ოლქის  
 განათლების განყოფილება

## საქართველოში საბჭოთა ხელისუფლების დაყარების XVIII წლისთავის აღსანიშნავი ზეიმის მზადებისა და ჩაგვარების შესახებ

ა/წ 25 თებერვალს საქართველოს საბჭო-  
 თა სოციალისტური რესპუბლიკის მშრომე-  
 ლები უდიდესი სიხარულით იხეიმებენ ის-  
 ტორიული მნიშვნელობის თარიღს—საქართ-  
 ველოში საბჭოთა ხელისუფლების დამყარე-  
 ბისა და მენშევიკების გამცემლური ბატო-  
 ნობის დამხობის XVIII წლისთავს. ამ უდი-  
 დეს ზეიმს სიხარულით შეუერთდება საბჭო-  
 თა კავშირში შემავალი მოძმე რესპუბლი-  
 კების ათეულმილიონიანი ხალხებიც.

ამ დღისათვის საბჭოთა საქართველოს  
 თავისუფალი და ბედნიერი ხალხი შეაჯა-  
 მებს იმ ბრწყინვალე გამარჯვებებს, რომე-  
 ლიც ლენინ-სტალინის დიადი პარტიის, კა-  
 ცობრობის უდიდესი გენის, ხალხთა ბე-  
 ლადის დიდი სტალინის ხელმძღვანელობითა  
 და მისი ერთგული მოწაფისა და თანამებრ-  
 ძოლის—ქართველი ხალხის საამაყო შეილის  
 ამხანაგ ლ. ბერიახ მეთაურობით აქვთ მო-  
 პოვებული სოციალისტური მშენებლობის  
 ყველა უბანზე.

XVIII წლის მანძილზე საბჭოთა საქართ-  
 ველო, ლენინურ-სტალინური ნაციონალურ  
 ი პოლიტიკის ურყევად გატარების საფუ-  
 ძველზე, მეფის რუსეთის კოლონიურ, ჩა-  
 მორჩენილ და გამყიდველ მენშევიკების ყა-  
 ჩალური პოლიტიკით გაჩანაგებულ და დარ-  
 ბეულ ქვეყნიდან, გადაიქცა საბჭოთა კავში-  
 რის ერთ ერთ მოწინავე ორდენოსან რესპუ-  
 ბლიკად. ქვეყანა დაიფარა მალალტექნიკით

შეიარაღებულ ფაბრიკებისა და ქარხნების  
 ქსელით, ამოძრავდა დედამიწის წილის  
 უდიდესი სიმდიდრე და ძალები სახალხო  
 ბედინერებისა და კეთილდღეობისათვის;

წვრილ დაქუცმაცებულ და პრიმიტივულ  
 გლეხური სოფლის, მეურნეობის ადგილი  
 დაიკავა მალალი ტექნიკით შეიარაღებულმა  
 და ბოლშევიკურად ორგანიზებულმა კოლ-  
 მეურნეობებმა; აყვავდა და ისტორიაში გა-  
 უფონარი სისწრაფით წავიდა წინ მეცნიე-  
 რება, ტექნიკა, კულტურა, ხელოვნება, ლი-  
 ტერატურა, სპორტი და სხვა. ამჟამად საბ-  
 ჭოთა საქართველოს ყავს ისეთი მეცნიერები  
 და აკადემიკოსები, რომელთა სახელები გან-  
 თქმულია არამარტო საბჭოთა კავშირში,  
 არამედ მსოფლიოშიც. საბოლოოდ და სა-  
 მუდამოდ მოისპო ადამიანისაგან—ადამიანის  
 ჩავერა. შრომა გადაიქცა გმირობისა და სი-  
 მამაცის საქმედ. არაჩვეულებრივი სისწრა-  
 ფით გაფართოვდა სკოლებისა და უმაღლეს  
 სასწავლებლების ქსელი, სადაც ათიათასო-  
 ბით იზრდება ბედნიერი საბჭოთა ახალგაზრ-  
 დები, რომლებიც იპყრობენ მეცნიერებათა  
 მწვერვალებს, ეუფლებიან ბოლშევიზმს;  
 უმაღლესი სკოლები ყოველწლიურად ჩვენს  
 ქვეყანას აძლევენ ათიათასობით კვალიფი-  
 ციურ ახალგარდა ბოლშევიკურ კადრებს—  
 ინჟინერებს, ექიმებს, მასწავლებლებს, აგრო-  
 ნომებს და სხვა სპეციალისტებს. კოლმეურ-  
 ნეთა მასის არაჩვეულებრივად მზარდ კულ-

ტურულ მოთხოვნილებათა დაკმაყოფილებისათვის ყოველდღიურად იზრდება და ფართოდება საკლუბო საბიბლიოთეკო დაწესებულებათა ქსელი.

ექსპლოატატორულ წყობილების მძიმე უღლისაგან განთავისუფლებულმა ქართველმა მშრომელმა ხალხმა, რომელსაც არსებობის საუკუნეთა მანძილზე შეუბრალებლად ესეოდა და არბევდა ხან თათართა ურდოები, ხან არაბები, ხან მონღოლები და სხვა, საქართველოში საბჭოთა ხელისუფლების დამყარების შემდეგ, მოძმე რესპუბლიკების ხალხებთან ერთად, მოგვცა შემოქმედებითი შრომის ნამდვილი სასწაულები; გამოუყენებელი და მიუვალი ადგილები დაიფარა აყვავებული ტექნიკური კულტურებით, ჰობისა და მალარიის კოლხეთი ვადაიქცა ბედნიერი და ჯანსაღი ცხოვრების ცენტრსოვან წალკოტად. ამიერ-კავკასიის ძმურ ფედერაციის მიერ ისტორიული როლის შესრულების შემდეგ, სამუდამოდ აღმოიფხვრა ეროვნული შუღლი და ჩაგვრა, ლენინურ-სტალინური ნაციონალური პოლიტიკის უწყევად გატარებით განმტკიცდა და გაძლიერდა სოლიდარობა და ინტერნაციონალიზმი მოძმე რესპუბლიკების ხალხებთან. სოციალიზმის ეს გამარჯვებანი ჩაწერილია და საკანონმდებლო წესით განმტკიცებულია თავისუფლების უდიდეს ქარტიაში — სტალინურ კონსტიტუციაში.

საქართველოს მშრომელებმა, მთელ საბჭოთა ხალხთან ერთად, კომუნისტური პარტიის ხელმძღვანელობით და სახელოვან შინასახკომის დახმარებით გაანადგურეს რა ხალხის საზიზღარი მტრები—ტროცკისტ-ზინოვიევიელთა და ბუხარინელთა—ყველა ჯურის ნაძირალები, შოვინისტ ნაციონალისტები, ფაშისტების აგენტები და საზიზღარი ჯაშუშ-დივერსანტები, რომლებსაც სურდათ წაერთმიათ მშრომელი ხალხისათვის მოპოვებული გამარჯვება და ბედნიერი ცხოვრება, დაედგათ მათზე კაპიტალისტური მონობის მძიმე უღელი,—ღლითილდე კიდევ უფრო საამურსა და ბედნიერს ხდიან საბჭოთა საქართველოს მიწა-წყალზე ცხოვრებას.

საბჭოთა საქართველოს XVIII წლისათვის

აღსანიშნავ ზეიმის ჩატარება ჩვენს სკოლებსა, უმაღლეს სასწავლებლებსა, სამეცნიერო-საკვლევო, საკლუბო, საბიბლიოთეკო და კულტსაგანმანათლებლო დაწესებულებებში უნდა გადაიქცეს უდიდეს პოლიტიკურ-სამეურნეო მნიშვნელობის ზეიმიად, ს.კ.კ.პ. (ბ) მე-18 ყრილობისადმი ახალი წარმატებითი შეხვედრის ზეიმიად და ჩვენი ქვეყნის ბრწყინვალე გამარჯვებათა მძლავრ დემონსტრაციად; მან მოსწავლე ახალგაზრდობისა და მშრომელთა კომუნისტური აღზრდის ბოლშევიზმის დაუფლების,—ს.კ.კ.პ. (ბ) ისტორიის მოკლე კურსის“ ღრმად შესწავლის საქმე უნდა აიყვანოს კიდევ უფრო მაღალ საფეხურზე. ამ ზეიმის ჩატარებამ კიდევ უფრო უნდა განამტკიცოს სიყვარულისა და თავდადების გრძობა სოციალისტურ სამშობლოსადმი, განამტკიცოს ბოლშევიკური სიფხიზლე და სიძულვილი ხალხის მტრების მიმართ; დარაზმის მოსწავლე ახალგაზრდობა მეცნიერებათა საფუძვლების და მისი მწვერვალების დაპყრობისათვის საბჭოთა სამშობლოს საკეთილდღეოდ.

იმ მიზნით, რომ ყველა სასწავლო, სამეცნიერო—კვლევითმა, მასობრივ საგანმანათლებლო და განსახკომის სისტემაში შემავალმა სხვა დაწესებულებებმა, უზრუნველყონ საქართველოში საბჭოთა ხელისუფლების XVIII წლისათვის აღსანიშნავად ზეიმის მაღალ ხარისხიანად ჩატარება, საქიროა გატარდეს შემდეგი ძირითადი ღონისძიებანი:

1. ამ ინსტრუქციის მიღებისთანავე, ავტონომიური რესპუბლიკების განსახკომებმა, საოლქო, საქალაქო და რაიონულმა განათლების განყოფილებებმა, უმაღლესმა სასწავლებლებმა, სასწავლო სამეცნიერო კვლევითმა, საკლუბო, საბიბლიოთეკო და განსახკომის სისტემაში შემავალმა სხვა დაწესებულებებმა, ადგილობრივ პარტიულ, საბჭოთა, პროფესიულ და კომკავშირულ ორგანიზაციებთან შეთანხმებით, გამოყონ საქართველოში საბჭოთა ხელისუფლების დამყარების 18 წლისათვის აღსანიშნავ ზეიმის მზადებისა და ჩატარების კომისია, დაწესებულების ხელმძღვანელის მეთაურობით.

2. კომისიებმა, ადგილობრივ შესაძლებლო-

ბათა მაქსიმალური გამოყენების ვათვალისწინების საფუძველზე, შეადგინონ ზემის მზადებისა და ჩატარების გეგმა და შეუთანხმონ იგი რაიონულ და ადგილობრივ ხელმძღვანელ ორგანიზაციებთან.

3. ჩატარდეს მოხსენებები და საუბრები XVIII წლისთავზე, საბჭოთა საქართველოს მიღწევების შესახებ.

4. გატარდეს ღონისძიებანი სსრკ სტალინური კონსტიტუციის პირმოშო — საქ. სსრ კონსტიტუციის ფართოდ შესწავლისათვის.

5. ლექცია-საუბრების სახით ფართოდ ვაშალოს მუშაობა რევოლუციურ მუხუჭების და გამოფენის დათვალისა და შესწავლის, ბოლშევიკური ორგანიზაციების გვირუკის ისტორიის — საქ. კ. პ. ბ. ისტორიის მოკლე კურსის — შესწავლა — დაუფლებისათვის.

6. მოეწყოს საუბრები იმ გვირუკის ბრძოლების შესახებ, რომელიც ბოლშევიკური პარტიის ხელმძღვანელობით წარმოებდა ცარიზმისა და შემდეგში, მშრომელთა ინტერესების გამყარებლად მენშევიკური ხელისუფლების დასამხობად.

7. სათანადო საგნის მასწავლებლებმა ვაკვეთილზე ჩატარდეს შესაფერისი სასწავლო მუშაობა იმ უდიდესი მიღწევების ნათესავად, რომელიც საბჭოთა საქართველომ მოიპოვა 18 წლის მანძილზე — ეკონომიურ, პოლიტიკურ და კულტურული მშენებლობის ყველა დარგში. ეს მუშაობა ჩატარდეს მიმზიდველად, მოსწავლეთა საერთო განვითარების ღონისძიან შეფარდებით, გამოყენებული იქნეს ამ საქმეში დიაგრამები, კინოსურათები, პლაკატები და სხვა თვალსაჩინო დიდაქტიკური მასალები, მოეწყოს ცოცხალი საუბარი მოსწავლეთა შორის საქართველოში, საბჭოთა ხელისუფლების დამყარებისათვის ბრძოლაში მონაწილე ამხანაგებისა.

8. ჩატარდეს მოხსენება — საუბრები ჩვენი სახელოვან წითელ არმიანზე, საბჭოთა ავიაციანზე, საუკეთესო გვირ მფრინავების შესახებ და სხვა.

9. ფართოდ იქნეს შესწავლილი ადგილებზე სკოლებისა, უმაღლეს სასწავლებლებისა და განსახკომის სისტემაში შემავალ ყველა დაწესებულებათა მუშაობა; ბოლშევიკური

თვითკრიტიკის საფუძველზე გამომოქმედებული იქნეს მუშაობაში არსებული და მიღწევები, ვაშლილი იქნეს სოციალისტური შეჯიბრება და დამკერელობა, ნაკლოთუხსლოეს დროში აღმოფხვრითა და XVIII წლისთავზე მაქსიმალური მიღწევებით მისვლისათვის.

10. განსახკომის სისტემაში შემავალი ყველა დაწესებულება ზემის წინ ორი დღით ადრე მორთულ იქნეს საზეიმოდ, სათანადოდ მიმზიდველი გაფორმებით.

11. გამოიცეს კედლის გაზეთის საბჭოთა ხელისუფლების დამყარების XVIII წლისთავისადმი.

12. მსხვილ სასწავლო-სამეცნიერო დაწესებულებებში (ტფილისის სტალინის სახელობის სახ. უნივერსიტეტი, ინსტიტუტები, მრავალკომპლექტიანი საშუალო სკოლები, მუხუჭები და სხვა) მოეწყოს 18 წლისათვისათვის მოაზრებულ მიღწევათა გამოფენები.

14. მოეწყოს ორგანიზებული ექსკურსიები წარმოებების, კოლმურნოებების და სხვათა დასათვალისა და წინასწარ შედგენილი გეგმის მიხედვით.

15. 23 ან 24 თებერვალს ჩატარდეს საზეიმო დილა-საღამოები, წინასწარ შედგენილი და დამტკიცებული პროგრამების მიხედვით (მოხსენებები, მხატვრული განყოფილება — პიესის დადგმა, ლექსები და სხვა).

16. ყველა ჩამოთვლილ ღონისძიებათა გატარებაში პასუხისმგებლობა ეკისრება ზემის მზადებისა და ჩატარებისათვის ჩამოყალიბებულ კომისიებს (პირადულ-კომისიის თავმჯდომარეს), რომლებმაც ამ თავითვე უნდა ვაშალონ მუშაობა ზემის ჩატარების გეგმის წარმატებით შესრულებისათვის.

17. განსახკომის სისტემაში შემავალ ყველა სასწავლო სამეცნიერო და სხვა დაწესებულებებში აპრილის 5 მარტამდე წარმოადგინონ წერილობითი ანგარიში ამ საქმეში მათ მიერ ჩატარებული მუშაობის შესახებ.

განათლების სახ. კომისარია

ბ. ქიანაძე

## მუშურ-გლეხურ წითელ არმიას და სახელმწიფო-საზღვაო ფლოტის XXI წლისთვის ჩაგრაგვისათვის

უახლოეს დღეებში ჩვენი ქვეყანა იღვასწავლებს მუშურ-გლეხურ გმირული წითელარმიისა და სამხედრო საზღვაო ფლოტის სახელმწიფო XXI წლის თავს: ჩვენი სოციალისტური სამშობლოს მშრომელები უსაზღვრო სიხარულით ემზადებიან ამ სახელმწიფო დღისათვის.

მუშურ-გლეხური წითელარმიისა და სამხედრო-საზღვაო ფლოტის თავგანწირული ბრძოლების შედეგად შესაძლებელი გახდა დიდი ოქტომბრის მონაპოვართა შენარჩუნება და გაფურჩქვნა. ისტორიის ჯერ არ ახსოვს სამოქალაქო ომის წლებზე უფრო ძნელი და გმირული ეპოქა.

ისტორიას არ ახსოვს თავდადების და სიმამაცის ისეთი მაგალითები, როგორც გამორჩინეს ჩვენმა გმირმა წითელარმიელებმა და წითელფლოტელებმა ოქტომბრის მონაპოვართა დაცვაში.

ლენინ-სტალინის დიადი პარტიის ხელმძღვანელობითა და დიდი სტალინის ყოველდღიური მზრუნველობით დღითი დღე იზრდება და მტკიცდება ჩვენი მუშურ-გლეხური წითელი არმია და სამხედრო-საზღვაო ფლოტი.

სტალინური ხუთწლებების მანძილზე ჩვენი გმირული წითელი არმია გადაიქცა ისეთ უძლველ ძალად, რომელსაც შეუძლია ერთის დარტყმით მტვრად აქციოს ყველა მტერი, რომელიც კი განიზრახავს ჩვენი ქვეყნის სოციალისტური მშენებლობისათვის ხელის შეშლას.

გენიალური სტალინის ხელმძღვანელობით უახლოესი წლების განმავლობაში ჩვენს ქვეყანაში შეიქმნა უძლიერესი და მრავალრიც-

ხოვანი ავიაცია ბრწყინვალე საავიაციო ტექნიკით, სტალინური ხუთწლებების განმავლობაში ჩვენმა ქვეყანამ გამოზარდა უმაღლესი მფრინავები, რომელთა თავდადებამ სოციალისტური სამშობლოს დაცვის საქმეში, არ იცის საზღვარი. სტალინური ხუთწლებების პერიოდში გაიზარდა და განმტკიცდა საბჭოთა სამხედრო საზღვაო ფლოტი. ჩვენი თვალუწყედნელი საზღვაო საზღვრების დასაცავად, წყნარ ოკეანესა და ბალტიკაში, შავსა და თეთრ ზღვებში დგანან საბჭოთა უძლიერესი სამხედრო გემები და საჭირო შემთხვევაში რისხვად მოგვლინებიან ჩვენი მშვიდობიანობის დამრღვევთ.

სტალინურმა ხუთწლებებმა ასობით და ათითასობით გამოზარდა თავდადებული გმირები. ისტორიას ჯერ არ უნახავს მაგალითები სამშობლოს დაცვისათვის იმგვარი ერთგულებისა, როგორსაც ჩვენი გმირი წითელარმიელები, წითელი მფრინავები, წითელი მესაზღვრენი და წითელ-ფლოტელები იჩენენ სოციალისტური სამშობლოს ბედნიერი აღამიანების დაცვისათვის, ჩვენი ვრცელი მიწა-წყლის დაცვისათვის.

ხალხის საზიზღარი მტრები, სამშობლოს გამყიდველები, გამხეცებული ფაშოზმის პირსისხლიანი აგენტები — განწირულნი ისტორიის მიერ, ცდილობდნენ ძირი გამოეთხარათ ჩვენი გმირული წითელი არმიისათვის, მაგრამ მოტყუდნენ, ისინი განადგურებულნი არიან.

ლენინ-სტალინის დიადი პარტიის ხელმძღვანელობით, მუშურ-გლეხური წითელი არმიისა და სამხედრო-საზღვაო ფლოტის სიძლიერე დღითიდღე იზრდება. მუშურ-გლეხუ-

რი წითელი არმია, რომელიც თავისი სიძლიერით თავზარს სცემს ფაშიზმს, ერთი წუთითაც არ შეანელებს ფაშიზმის ნაძირალეების წინააღმდეგ ბრძოლას.

მომავალშიც ისე, როგორც წარსულში, თუ ეს საჭირო იქნება, მშვიდობიანობის დამრღვევთა წინააღმდეგ ბრძოლაში. მთელი მსოფლიო დაინახავს, თუ როგორი მტკიცეა ჩვენი ქვეყნის მშრომელების დამცველი წითელი არმია, ფლოტი და ავიაცია, თუ როგორ შეუძლიათ ჩვენს უზადლო წითელმეთაურებს, წითელარმიელებს, წითელმფრინავებს, წითელფლოტელებს და მათთან ერთად მთელ საბჭოთა ხალხს, იბრძოლონ დიდი ოქტომბრის მონაპოვართა შენარჩუნებისა და გამტკიცებისათვის.

სწორედ ამიტომ არის, რომ ჩვენი დიდი ქვეყნის სიამაყის უძღვევლი მუშურგლეხური წითელარმიისა და სამხედრო-საზღვაო ფლოტის სახელოვან 21 წლისათვის აღსანიშნავად ვაცხოველებული მზადება მიმდინარეობს.

ყველგან — ქარხნებში, საბჭოთა მეურნეობებში, კოლმეურნეობებში, შახტებში, რკინიგზის ტრანსპორტზე, თეატრებში, კლუბებში, ქოხ-სამკითხველოებში, ჩვენი ბედნიერი ქვეყნის ვრცელი მიწა-წყალის ყველა კუნძულში საბჭოთა აღმნიანები გულდასმით და ენერგიულად სწავლობენ მუშურგლეხური წითელ არმიისა და სამხედრო-საზღვაო ფლოტის გმირულ ისტორიას, მის უდიდეს მიღწევებს, ვაცხოველებით ემზადებიან, რათა ზემის დღისათვის სიამაყითა და სიხარულით აღსაცემ მოზღვავებული გრძობები გადმოშალონ.

საბჭოთა სკოლამ. ამ ღირსშესანიშნავი დღის აღნიშვნისათვის მთელ საბჭოთა ხალხთან ერთად, ვაცხოველებით უნდა იმუშაოს,

მუშურ-გლეხური წითელ არმიისა და სამხედრო-საზღვაო ფლოტის დიადი 21 წლისათვის აღსანიშნავად, განსახკომი ვავალებთ ჩაატაროთ შემდეგი მუშაობა:

ქვემდებარე სასწავლო-სააღმზრდელო დაწესებულებებში, საქართველოში საბჭოთა

ხელისუფლების დამყარების 18 წლისთავის აღსანიშნავი ზემის მზადებისა და ჩატარების საქმეზე გამოყოფილმა კომისიებმა, ამ ინსტრუქციის მიღებისთანავე, დაწესებულებების სამხედრო ხელმძღვანელებისა (სადაც ასეთი არის) და სხვა მუშაკების ჩაბმით, შეადგინონ ზემისათვის მზადებისა და მისი ჩატარების გეგმა. მთაწყონ და ჩაატარონ:

1. სადაც ეს მოსახერხებელია, სამოქალაქო ომების სახელოვან მონაწილეთა სატურები და მოგონებები, მუშურ-გლეხური წითელი არმიისა და სამხედრო-საზღვაო ფლოტის თავდადებული ბრძოლების სხვადასხვა მომენტების შესახებ.

2. მუშურ-გლეხური წითელი არმიისა და სამხედრო-საზღვაო ფლოტის უმაგალითო სიმამაცისა და ბრძოლების ამსახველი სექტაკლებისა და კინო-სურათების კოლექტიური ნახვა. („რღვევა“, „ანზორი“, „თოფიანი კაცი“, კინო-სურათები: „ჩაბაევი“, „ლენინი ოქტომბერში“, „ჩვენ კრონშტადტიდან ვართ“, „ცამეტნი“, „ბალტიკის დეპუტატი“, „დიადი ვანთიადი“ და სხვა).

3. კოლექტიური ექსკურსიები რევოლუციის მუზეუმებში.

4. კოლექტიური ექსკურსიები (თბილისში არსებულ სასწავლო დაწესებულებებისათვის) ამ დღესთან დაკავშირებულ გამოფენების დათვალიერების მიზნით.

5. საშეფო, ნაწილებში მისვლა და წითელ-არმიელების ყოფისა და კულტურული მუშაობის დათვალიერება — შესწავლა.

6. მუშურ-გლეხური წითელარმიისა და სამხედრო-საზღვაო ფლოტის ბრძოლებისა და ცხოვრების ამსახველ მხატვრულ ნაწარმოებებიდან ადგილების, პოემებიდან ნაწყვეტების და ლექსების კითხვა.

7. სადაც ეს მოსახერხებელი იქნება, მუშურ-გლეხური წითელარმიისა და სამხედრო-საზღვაო ფლოტის ბრძოლისა და ყოფის ამსახველი სიმღერების შესწავლა.

8. სათანადო წერილების შედგენა იმ კედლის ვახეთისათვის, რომელიც სპეციალურად უნდა გამოიცეს საზეიმო დღისათვის.



9. ისეთი პიესების დადგმა, რომელიც დაკავშირებული იქნება წითელარმიისა და ფლოტის გმირულ ბრძოლებთან და ცხოვრებასთან.

მუშურ-გლეხური წითელიარმიისა და სამხედრო-საზღვაო ფლოტის 21 წლისთავის ზემის დღე ქვემდებარე დაწესებულებებმა შემდეგნაირად უნდა ჩაატარონ:

1. საზეიმო საღამოებზე, დაწყებით სკოლებში—საზეიმო დიღებზე, მოსასმენი მოხსენება შედგენილი უნდა იქნეს იმგვარად, რომ მასში სწინდეს მუშურ-გლეხურ წითელარმიისა და სამხედრო-საზღვაო ფლოტის გმირული ისტორიის ძირითადი ეტაპები, მოხსენება უნდა ასურათხატებდეს ჩვენი წითელარმიისა და წითელიფლოტის მონოლიტურ სიძლიერეს და იმ უდიდეს მიღწევებს, რომლითაც ჩვენი მუშურ-გლეხური წითელი არმია და სამხედრო-საზღვაო ფლოტი საკავშირო კომუნისტური პარტიის (ბ) მე-18 ყრილობას ხედება.

2. საზეიმო საღამოს, ან დღის მოსაწყობი დარბაზი უნდა ვაფორმდეს სათანადოდ—მუშურ-გლეხური წითელი არმიისა და სამხედრო-საზღვაო ფლოტის ხელმძღვანელების სურათებით, ჩვენი გმირი მფრინავების პორტრეტებით, ლოზუნგებით, მუშურ-გლეხური წითელი არმიისა და სამხედრო-საზღვაო ფლოტის შესახებ და ისეთი სურათებითაც, რომლებშიაც ასახული იქნება სხვადასხვა მომენტები მუშურ-გლეხურ წითელარმიისა და სამხედრო-საზღვაო ფლოტის გმირულ წარსულიდან.

3. საზეიმო დღის ჩასატარებელ დღის საღამოს მხატვრულ პროგრამაში შეტანილი იქნას ლექციები, და მხატვრული ნაწყვეტების კითხვა, რომლებიც ასახავენ მუშურ-გლეხურ წითელარმიისა და სამხედრო-საზღვაო ფლოტის ბრძოლებსა და საქმიანობას.

4. მსხვილ სასწავლო-სააღმზრდელო დაწესებულებებში, სადაც მომღერალთა გუნდის გამოსვლაა ვათვალისწინებული, უნდა იქნეს შესრულებული ისეთი სიმღერები, რომლებიც ჩვენს გმირ წითელარმიელებსა და წითელ ფლოტელებს ეხებიან.

5. საზეიმო საღამოზე მოწვეულ უნდა იქნენ საშფო ნაწილების წარმომადგენლები.

6. მოხსენებებისა და საუბრების ჩატარების დროს სკოლებმა უნდა იხელმძღვანელონ მუშურ-გლეხური წითელი არმიისა და სამხედრო-საზღვაო ფლოტის 21 წლისთავის შესახებ იმ მასალებით, რომელიც გამოქვეყნებული იქნება, ცენტრალურ გაზეთებში.

მუშურ-გლეხური წითელიარმიისა და სამხედრო-საზღვაო ფლოტის დიადი 21 წლისთავის მზადებისა და საზეიმო დღის ჩატარების სათანადო ხელმძღვანელობისათვის: აფხაზეთისა და აჭარის ასსრ განსახკომებმა, სამხრეთ-ოსეთის ავტ. ოლქის განათლ. განყოფილებამ, საქალაქო და რაიონულმა განათლების განყოფილებებმა, შვეპროწმონ ქვემდებარე სასწავლო საამონრდელო დაწესებულებების მუშაობა მზადების საქმეში და კონკრეტული დახმარება გაუწიონ მათ.

განათლების სახალხო კომისიარი  
**ბ. კიქნაძე**

**ბ რ ძ ა ნ ე ბ ა № 834**

**განათლების სახალხო კომისიარისათვის**

1939 წლის 19 თებერვალს

მოზარდთა სკოლის დებულების შესახებ.

1. დამტკიცდეს მოზარდთა სკოლის თანდაართული დებულება.

2. მოზარდთა სკოლები ამთავითვე გადავიდნენ მუშაობაზე ახალი დებულების მიხედვით.

3. ახალ დებულებაში მოცემულ სასწავლო გეგმით მოზარდთა სკოლებმა აწარმოონ მუშაობა, აწ 1 სექტემბრიდან.

განათლების სახალხო კომისიის მოადგილე  
**ლ. გიგეშიძე**

## ეროვნული ბიბლიოთეკა

### სკოლისა და მსოფლიო მშენებლის (14-18 წლის სკოლის შესახებ)

საგ. კ. პ. (ბ) ც. კ-ის და სსრკ სახკომსაბ-  
ქოს გადაწყვეტილების თანახმად ყველა  
უცოდინარი და მცირემცოდნე მოზარდილი  
14-18 წლამდე ვალდებულია ისწავლოს წარ-  
მოებიდან მოუწყვეტლივ 3-წლიან საღამოს  
სკოლაში.

სკოლაში სწავლების ხანგრძლივობა გან-  
საზღვრულია სამი წლით და მისი მიზანია  
მისცეს მოზარდებს ცოდნა მშობლიურ ენასა,  
არითმეტიკასა, გეოგრაფიასა, ბუნებისმეტყ-  
ველებასა, რუსულ ენასა და ისტორიაში დაწ-  
ყებითი სკოლის კურსის ფარგლებში.

#### I. სკოლის ორგანიზაცია

კლასში მოსწავლეთა კონტიგენტი განი-  
საზღვრება 30 კაცით, მოსწავლეთა რაოდე-  
ნობა კლასში შეიძლება ცვალებადობდეს  
15-დან 35 კაცამდე.

**შენიშვნა:** 15 მოსწავლეზე ნაკლებ რაო-  
დენობის შემთხვევაში მოზარდთა სწავ-  
ლებს ეწყობა ინდივიდუალური და ჯგუ-  
ფური წესით.

2. მოზარდთა სკოლა უნდა მოეწყოს ისეთ  
ადგილას, რომ მან მომსახურება ვაუწყოს 3  
კილომეტრის რადიუსში მცხოვრებ მოსწავ-  
ლეს მოზარდებს; 3 კილომეტრზე დაშორე-  
ბის შემთხვევაში შესაძლებელია გაიხსნას  
სკოლა, როგორც გამონაკლისი.

3. მოზარდთა სკოლების ყველა კლასში მი-  
ღება წელიწადში ერთხელ წარმოებს. შუა  
სასწავლო წელში მოსწავლეთა მიღება და-  
საშვებია მხოლოდ იმ შემთხვევაში, როდეს-  
აც ეს უკანასკნელი გამოწვეულია მოზარდ

მოსწავლის ან მისი მშობლის საცხოვრებელი  
ადგილის გამოცვლით.

4. კლასში ჩაირიცხება მოსწავლეები ერთ-  
ნაირი საერთო საგანმანათლებლო მომზა-  
დებით. მე-2, მე-3 კლ. შემსვლელნი სათა-  
ნალო შემოწმების შემდეგ თავის მომზადე-  
ბის შესაბამისად ჩაირიცხებიან სათანადო  
კლასში. ცოდნის შემოწმება ამ კლასებში  
იწარმოებს სასწავლო გეგმაში გათვალისწი-  
ნებულ სათანადო სასწავლო დისციპლინე-  
ბის მიხედვით.

5. საჭიროების მიხედვით პარალელი კლა-  
სების გახსნაც შესაძლებელია.

6. სკოლის კურსის დამთავრების დროს  
ჩატარდება შემოწმებითი გამოცდები.

7. კლასიდან კლასში გადაყვანა სწარმო-  
ებს სკოლის გამგის მიერ წლიური წარმატე-  
ბის შეფასების საფუძველზე.

8. მოზარდთა სკოლის და აგრეთვე ინდი-  
ვიდუალური ჯგუფის კურსდამთავრებულთ  
ეძლევათ სკოლის დამთავრების მოწმობა.  
ფრიადონებს ამას გარდა ეძლევათ ჭების  
სიგელები.

9. მოზარდთა საღამოს სკოლები ეწყობა  
დაწყებით და არასრულ საშუალო და საშუ-  
ალო სკოლებთან და სარგებლობენ მათი  
შენობებით, მოწყობილობით და მასწავლე-  
ბელთა კადრებით.

#### II. სასწავლო მუშაობა

1. მოზარდთა სკოლებში მუშაობენ გან-  
საკომის მიერ ამ სკოლებისათვის დამტკი-  
ცებული პროგრამებით.





2. სასწავლო წლის ხანგრძლივობა დაწესებულია ქალაქის სკოლებში 9, 5 თვე.

სასწავლო წელი ქალაქის სკოლებში იწყება 1-ლ სექტემბერს და მთავრდება 15 ივნისს.

საზამთრო და საგაზაფხულო არდადეგები ქალაქის სკოლებში ტარდება დაწყებითი სკოლებისათვის დაწესებულ დროში.

საზაფხულო არდადეგები ქალაქის მოზარდთა სკოლებში დაწესებულია 16 ივნისიდან 31 აგვისტომდე (ჩათვლით).

მეცადინეობა ტარდება 6-დღიურში 3 დღე. 1 და მე-2 კლასებში მეცადინეობა განისაზღვრება დღიურად 4 აკადემიური საათით. მე-3 კლასში კი 5 აკადემიური საათით.

3. სასწავლო წლის ხანგრძლივობა სოფლის სკოლებში დაწესებულია 8 თვე.

სასწავლო წელი სოფლის სკოლებში იწყება 15 სექტემბერს და მთავრდება 15 მაისს. მეცადინეობა ტარდება 7 დღიურში 4 დღე მეცადინეობის ხანგრძლივობა დღიურად განისაზღვრება 1 და მე-2 კლასებში 4 აკადემიური საათით, 3 კლასში კი 5 აკადემიური საათით.

საზამთრო და საზაფხულო არდადეგები ტარდება სოფლის სკოლებში დაწყებითი სკოლებისათვის დაწესებულ დროში.

საზაფხულო არდადეგები დაწესებულია 16 მაისიდან 14 სექტემბრამდე (ჩათვლით).

4. მოზარდთა სწავლების ძირითად ფორმას სკოლაში წარმოადგენს ვაკეეთილი, სასწავლო გეგმის საფუძველზე შედგენილი ცხრილით.

**III. მოზარდთა სკოლების გაშვება და მასწავლებელთა შესახებ**

1. მასწავლებელთა, აღმინისტრაციულ — სამწიფო და მომსახურე პერსონალის შტატი წესდება კლასების და სასწავლო საათების მიხედვით.

2. სკოლის გამგის და მასწავლებლის შერჩევას აწარმოებს სარაიონო განათლების განყოფილება დაწყებითი და არასრული საშუალო სკოლების მასწავლებლებისაგან (შეთავსებით), აგრეთვე იმ პირებიდან, რომელთაც აქვთ საშუალო პედაგოგიური განათლება. მოზარდთა სკოლების მასწავლებლების და გამგეებს განათლების განყოფილების წარდგენით ნიშნავს განათლების სახალხო კომისარია.

**ს ა ს წ ა ვ ლ ო გ ე გ ი ა**

წერაკითხვის უცოდინარ და მცირემცოდნე მოზარდთა (14—18 წლ.) სკოლებისათვის (წარმოებიდან მოუწყვეტილი)

	ქალაქის სკოლებისათვის (6 დღიური)						სოფლის სკოლებისათვის (7 დღიური)					
	I კლასი		II კლასი		III კლასი		I კლასი		II კლასი		III კლასი	
	I ნახ.	II ნახ.	I ნახ.	II ნახ.	I ნახ.	II ნახ.	I ნახ.	II ნახ.	I ნახ.	II ნახ.	I ნახ.	II ნახ.
ქართული ენა . . .	7	7	5	4	4	4	9	9	6	6	5	5
რუსული ენა . . .	—	—	—	—	3	3	—	—	—	—	5	5
არითმეტიკა . . .	5	5	4	4	4	4	7	7	6	6	4	4
გეოგრაფია . . .	—	—	1	2	1	1	—	—	2	2	2	1
ბუნების მეტყველება	—	—	2	1	1	1	—	—	2	1	2	2
ისტორია . . .	—	—	—	1	2	2	—	—	—	1	2	3
	12	12	12	12	15	15	16	16	16	16	20	20



## დროებითი რეზოლუცია

### მოზარდთა დაუსწრებელი სწავლების პედაგოგიური კაბინეტისა.

#### ზოგადი ნაწილი

1. მოზარდითა დაუსწრებელი სწავლების პედაგოგიური კაბინეტი წარმოადგენს პედაგოგიურ დაწესებულებას, რომელიც აწარმოებს სასკოლო მუშაობასა და აღმზრდელი საკითხების დამუშავებას.

2. მოზარდითა დაუსწრებელი სწავლების პედაგოგიური კაბინეტი ამუშავებს და შეისწავლის ყველა დისციპლინის გადაცემის საუკეთესო მეთოდებს და ხერხებს დაუსწრებელი არასრული საშუალო და საშუალო სკოლებში.

3. მოზარდითა დაუსწრებელი სწავლების პედაგოგიური კაბინეტი ნელმძღვანელობს სასწავლო განაკვეთების გამოცემას.

4. მოზარდითა დაუსწრებელი სწავლების პედაგოგიური კაბინეტი მთელ თავის მუშაობას აგებს საქ. კ. პ. (ბ) ცენტრალური კომიტეტის და სოციალისტური სახკომსაბჭოს სკოლის შესახებ დადგენილებათა საფუძველზე და მუშაობს განსახკომის მიერ დამტკიცებული გეგმით.

#### მუშაობის შინაარსი

1. მოზარდითა დაუსწრებელი სწავლების პედაგოგიური კაბინეტი თავის ინსპექტორების საშუალებით იკვლევს მოზარდითა არასრული საშუალო და საშუალო სკოლების მუშაობას და ადგილებზე უწევს საჭირო მეთოდურ დახმარებას.

2. დაუსწრებელი სწავლების პედაგოგიური

ანზოგადებს, აფორმებს და ავრცელებს მოხსენებებით, ჟურნალ-გაზეთებში სტატიების მოთავსებით დაუსწრებელი სკოლებისა და მასწავლებელთა მუშაობის საუკეთესო ნიმუშებს.

3. სისტემატურად და თანმიმდევრობით სწავლობს დაუსწრებელ სკოლებში სააღმზრდელი და მოსწავლეთა დამოუკიდებელ მუშაობას (შეგნებული შრომითი დისციპლინა, ინტერნაციონალური და ანტირელიგიური აღზრდა, პოლიტიკური სიფხიზლე, საბჭოთა პარტიოტიზმი და სხვ.).

4. მოზარდითა დაუსწრებელი პედაგოგიური კაბინეტი პერიოდულად იწვევს კვალიფიციური პედაგოგების მეთოდურ თათბირებს, დაუსწრებელ სკოლებში სწავლების განაკვეთებისა და სხვა მეთოდური საკითხების განსახილველად.

5. მოზარდითა დაუსწრებელი სწავლების პედაგოგიური კაბინეტები აწარმოებს სასწავლო განაკვეთების გამოცემას, გამომცემლობა იმყოფება სახელმწიფო ბიუჯეტზე.

6. მოზარდითა დაუსწრებელ პედაგოგიურ კაბინეტს მჭიდრო კავშირი აქვს საქალაქო და რაიონულ პედაგოგიურ კაბინეტებთან.

#### პედაგოგიური კაბინეტის სტრუქტურა და შტატი

1. მოზარდითა დაუსწრებელი სწავლების პედაგოგიური კაბინეტის სათავეში დგას

დირექტორი, რომელსაც ნიშნავს განათლების სახალხო კომისარიატი. დირექტორს უნდა ჰქონდეს უმაღლესი პედაგოგიური განათლება და პედაგოგიური სტაჟი არანაკლებ 5 წლისა.

2. მოზრდილთა დაუსწრებელი სწავლების პედაგოგიის შტატსა და ზიუჯეტს ამტკიცებს განსახკომი.

3. მოზრდილთა დაუსწრებელი პედაგოგიური კაბინეტის მუშაკები სარგებლობენ ყველა იმ უფლებებით, რომელიც მინიჭებული აქვთ დაწყებითსა, არასრული საშუალო და საშუალო სკოლების მასწავლებლებს (შვებულება, პენსია და სხვ.).

4. მოზრდილთა დაუსწრებელი სწავლების პედაგოგიური კაბინეტის შტატი ასეთია:

1. დირექტორი.	
2. ინსპექტორ-მეთოდისტი	
3. ბუხჰალტერი	1
4. მემანქანე საქმისმწარმოებელი	1
5. მოლარე-კარტოტეკარი	1
6. დამლაგებელი	1

სულ 7

5. მოზრდილთა დაუსწრებელი სწავლების პედაგოგიური წარმომადგენს იურიდიულ ერთეულს, რომელსაც აქვს სახელმწიფო ბეჭედი და შტამში შემდეგი წარწერით: „საქსსრ განსახკომის მოზრდილთა დაუსწრებელი სწავლების პედაგოგიური“.

## ბრძანება № 262

### განათლების სახალხო კომისარიატისადმი

1939 წლის 29 იანვარს.

#### შვირალთა მუზეუმის რეორგანიზაციის შესახებ

1. განსახკომის სისტემაში არსებულ მწერალთა მუზეუმს ა/წ 1 იანვრიდან ეწოდოს საქ. სახელმწიფო ლიტერატურული მუზეუმი.

2. ნება დაერთოს სახელმწიფო ლიტერატურულ მუზეუმს გამოსცეს ყოველწლიურად ორი სამეცნიერო-ლიტერატურული კრებული.

3. საქ. სახ. ლიტერატურული მუზეუმის

დირექტორად დაინიშნოს ამხ.გიორგი ნიკოლოზის-ძე ლეონიძე.

4. დაევალოს ამხ. გ. ლეონიძეს ა/წ 1 თებერვლიდან წარმომადგენის დასამტკიცებლად საქ. სახ. ლიტერატურული მუზეუმის დებულების პროექტი.

განათლების სახ. კომისიის  
მოადგილე ლ. ზეპუნიძე

## ბრძანება № 372

ბანათლების სახალხო კომისარიატისადმი

1939 წლის 28 იანვარს

საპ. სამხარეთმცოდნეო საზოგადოების განსახკომის სისტემაში

ბაღასვლის შესახებ

საქ. სსრ. ცენტრალური აღმასრულებელი კომიტეტის პრეზიდიუმის 1938 წლის 25 ივლისის დადგენილების საფუძველზე, ვბრძანებ:

1. შეეყვანილ იქნეს საქ. განსახკომის სისტემაში საქ. სამხარეთმცოდნეო საზოგადოება—მისი სახსრების ნარჩენებითა და საქმეებით.

2. დაევალოს საგეგმო-საფინანსო განყოფილებას გაითვალისწინოს უმაღლესი სკოლებისა და სამეცნიერო დაწესებულებათა სამმართველოს 1939 წლის ბიუჯეტში საქირო დოტაცია საქ. მხარეთმცოდნეობის საზოგადოებისათვის.

ვანათლების სახ. კომისიის

მოადგილე ლ. გვგავიძე

## ბრძანება № 411

ბანათლების სახალხო კომისარიატისადმი

1939 წელი 29 იანვარს

ჭუთაისის სამხარეთმცოდნეო მუზეუმის შესახებ

ჭუთაისის მხარეთმცოდნეობის მუზეუმის შემოწმებამ დაადასტურა, რომ მუზეუმის მუშაობაში ადგილი აქვს მთელ რიგ არსებით დეფექტებს; მუზეუმს არ გააჩნია დებულება; არ არის დაზუსტებული მუზეუმის სტრუქტურა, მუზეუმის 1938 წლის სამუშაო გეგმა ზოგადი ხასიათისაა, 1938 წლის საექსპედიციო მუშაობა ჩაშლილია, ამ საქმიანობის ბიუჯეტით გამოყოფილი თანხა 9.500 მან. აღუთვისებელია, სუსტად სწარმოებს სამუზეუმო კოლექციების დაგროვება, უწყურადღებოდ არის მიტოვებული მუზეუმის ახალი მშენებლობა, უპასუხისმგებლობის

შედეგად გადაყრილი-იქნა კერამიკის ძვირფასი კოლექციები და სხვ.

ზემოაღნიშნულის საფუძველზე, ვბრძანებ:

1. დაევალოს სააღმშენებლო სამმართველოს უფროსს ამხ. მელიქაძეს სამი დღის განმავლობაში გამოარკვიოს ადგილობრივ-ჭუთაისის მხარეთმცოდნეობის მუზეუმის მშენებლობის მდგომარეობა, — მიიღოს ვადამჭრელი ზომები მშენებლობისათვის ნორმალური პირობების შესაქმნელად და მშენებლობის შემაფერხებელ მიზეზთა დაუყოვნებლივ სალიკვიდაციოდ მიღებულ ზომათა შესახებ მომასწავლოს მე.

2. დაევალოს ჭუთაისის მხარეთმცოდნეო-



ბის მუზეუმის დირექტორს ადგილობრივ ორგანოებთან შეთანხმებით უზრუნველყოს მუზეუმის ქონებათა (ქუთაისში და გელათში) სათანადო და წესიერი მოვლა.

3. წინადადება მისცეს ქუთაისის პედინსტიტუტის დირექტორს და მხარეთმცოდნეობის მუზეუმის დირექტორს, დაუყოვნებლივ გადასცეს ადგილობრივ პროკურატურას განმასამილად პედინსტიტუტის ყოფ. კომენდანტის კაპანაძის საქმე, ყოველგვარი წინასწარი მასალებითა და დოკუმენტებით.

4. სანამდე მოწესრიგდებოდეს ქუთაისის მუზეუმის ბინის საკითხი, განძეულობის შესაფერისი დაცვა - შენახვა (ცეცხლგამძლე ყუთების შექმნა, არსებულ გამოფენაში საჭირო კორექტივების შეტანა) საქართველოს სახმუზეუმის სპეციალისტთა დარგობრივი ინსტრუქციით, დაიხუროს ქუთაისის მხარეთმცოდნეობის მუზეუმი მსახველთათვის.

5. პედინსტიტუტის განკარგულებაში მყოფი, გელათის ყოფ. მონასტრის საცხოვრებელი შენობები დაუბრუნდეს ქუთაისის მხარეთმცოდნეობის მუზეუმს და მასვე დაევალოს იქედან კერძო მობინადრის დაუყოვნებლივ გამოსახლება.

6. დაევალოს საქართველოს სახმუზეუმს:  
 ა) შეადგინოს ყველა არსებულ მხარეთმცოდნეობის მუზეუმისათვის საჭირო ინსტრუქციები: გეგმების შედგენის, მხარეთ-

მცოდნეობის, სამეცნიერო-კვლევითი პედიცია, საექსპოზიციო და საგამომცემლო დარგებში.

ბ) ჩაატაროს დეტალური რევიზია - სპეციალური აღწერით (არსებულ აქტებთან შედარებით) ქუთაისის მხარეთმცოდნეობის მუზეუმის განკარგულებაში მყოფ ძეგრფასი ნივთებისა;

გ) გადასინჯოს ქუთაისის მუზეუმის 1939 წლის სამუშაო გეგმა და ხარჯთაღრიცხვა და საჭირო კორექტივების შეტანის შესახებ თავისი დასკვნები წარმოუდგინოს საქ. განსახკომის უმაღლეს სკოლებს სამმართველოს.

7. ქუთაისის მხარეთმცოდნეობის მუზეუმის დირექტორს ამხ. კ. მეძველიას გამოეცხადოს საყვედური სუსტი ხელმძღვანელობისათვის.

8. წინადადება მიეცეს ამხ. კ. მეძველიას უმოკლეს ვადაში უზრუნველყოს ქუთაისის მხარეთმცოდნეობის მუზეუმის იმ დეფექტების გამოსწორება, რომლებიც მითითებულია კომისიის გამოკვლევის აქტში.

9. უმაღლესი სკოლების სამმართველომ ა/წ 1 მარტამდე შეამოწმოს ამ ბრძანების შესრულების მიმდინარეობა და შედეგები მოამხსენოს მე.

განათლების სახ. კომისიის  
 მოადგილე **ლ. ზაგვიძე**

## საბავშვო ბაღის გახარება ოჯახთან

სკოლამდელთა აღზრდა საბჭოთა ქვეყანაში სახელმწიფოებრივი საქმეა. ჩვენს ბავშვებს შექმნილი აქვთ ყველა პირობა ნამდვილად ბედნიერი ბავშვობისათვის. პარტია და ხელისუფლება განსაკუთრებულ მზრუნველობას იჩენენ საბჭოთა ქვეყნის ბავშვებისადმი. საბავშვო ბაღები, პარტიისა და ხელისუფლების მითითებებით ბავშვებს კომუნისტურად ზრდიან, ზრდიან ჯანსაღ, ხალისიან, ყოველმხრივ განვითარებულ თაობას, ჩვენნი სოციალისტური სამშობლოს ერთგულ პატრიოტებს. ბავშვებს არა მარტო საბავშვო

ბაღი ზრდის, ზრდის აგრეთვე ოჯახიც. საბჭოთა მთავრობა დიდ პასუხისმგებლობას ანიჭებს მშობლებს ბავშვთა აღზრდის საქმეში. მატერიალურმა კეთილმდგომარეობამ და საბჭოთა ქვეყნის მშრომელთა კულტურულმა ზრდამ შექმნა ისეთი პირობები, რომელთა დახმარებით ოჯახს შეუძლია თავის ბავშვს დიდი ყურადღება მიაქციოს, რათა აღზარდოს თავისი ქვეყნის ღირსეული მოქალაქე და მისცეს მას ნამდვილად კომუნისტური აღზრდა.



საბავშვო ბაღმა უნდა დააწესოს ბავშვთა აღზრდის ერთიანობა საბავშვო ბაღსა და ოჯახში. ამისათვის თითოეული საბავშვო ბაღი უნდა ატარებდეს მშობლებთან ერთად მუშაობას მათი ბავშვების აღზრდის საქმეში, ბაღი კარგად უნდა იცნობდეს ოჯახს, ბავშვს, უნდა აცნობდეს მშობლებს საბავშვო ბაღის მუშაობას, საჭირო შემთხვევებში ეხმარებოდეს მას ბავშვის აღზრდაში და აგრეთვე იმათი გამოცდილებითაც სარგებლობდეს.

მშობლებთან მუშაობის შინაარსი განისაზღვრება ბავშვთა კომუნისტური აღზრდის საერთო ამოცანებითა და თითოეული საბავშვო ბაღის კონკრეტული პირობებით.

საბავშვო ბაღის გამგე აყალიბებს და ხელმძღვანელობს მთელს მუშაობას მშობლებთან და ატარებს ამ მუშაობას აღმზრდელთა და ექიმთან ერთად. ყოველი აღმზრდელი პასუხს აგებს თავისი ჯგუფის მშობლებთან მუშაობისათვის.

არსებობს მშობლებთან მუშაობის ინდივიდუალური და მასობრივი ფორმები. ინდივიდუალური ფორმებია — მშობლებთან ბაასი, ბავშვის ნახვა ბინაზე, მორიგეობა და მშობლებთან მიწერ-მოწერა. მუშაობის მასობრივ ფორმებს ეკუთვნის მშობელთა ჯგუფური და საერთო კრებები, საღამოები, გამოფენები. ექსკურსიები და სხვადასხვა წრე.

კონკრეტული ფაქტებითა და მავალითებით ინდივიდუალური საუბრებში აღმზრდელი ყოველ მშობელს აცნობს მიღწევებს მისი ბავშვის განვითარებაში, აჩვენებს ბავშვის ნახატებს, ტრამპობს როგორ თამაშობს ბავშვი, როგორია მისი ინტერესები და განწყობილება.

იმავე დროს ის იგებს მშობლებიდან, რითი არიან გართული ბავშვები შინ, როგორ იქცევიან, კარგად ხელმძღვანელობენ მათ აღზრდას თუ არა. ინდივიდუალური საუბრების დასრულებით აღმზრდელს საშუალება ეძლევა უკეთესად გაიცნოს თითოეული ბავშვი და ამგვარად გამოისძენოს სწორი მიდგომა, მისცეს მშობლებს კონკრეტული დარიგება, ისარგებლოს მშობლების გამოცდილებითა და რჩევებით.

ბავშვთა წარმატებით აღზრდისათვის საბავშვო ბაღში და ოჯახში, აღმზრდელმა ბავშვები სახლში უნდა ინახულოს. აღმზრდელი ყურადღებას აქცევს ზინას: უზრუნველყოფილია თუ არა ბავშვის ფიზიკური მოვლა ოჯახში (ცალკე საწოლი, პირსახოცი და სხვა), როგორ ატარებს დროს ბავშვი საბავშვო ბაღიდან მოსვლის შემდეგ, როდის წვება, რა შეადგენს მის სიხარულს, სურვილს, აქვს თუ არა წიგნები, სათამაშოები, ჰყავს თუ არა ამხანაგები.

აღმზრდელის ოჯახში მისვლას ფორმალური ხასიათი არ უნდა ჰქონდეს (გამოკვლევა სქემის მიხედვით და სხვა). აღმზრდელი იქვე აღნიშნავს როგორ უნდა შეიცვალოს ბავშვის ცხოვრების პირობები და მშობლებს მთელ რიგ კონკრეტულ რჩევას აძლევს. წლის განმავლობაში აღმზრდელმა უნდა ინახულოს თითოეული ბავშვი ორჯერ მაინც, ხოლო ზოგიერთები კი, სადაც მისი სისტემატური დახმარება საჭირო, ვაცილებით — მეტჯერ.

ბავშვის სახლში ნახვის შემდეგ, თავის შთაბეჭდილებებს, დაკვირვებებს, დასახულ ღონისძიებებს აღმზრდელი განსაკუთრებულ რეველში აღნიშნავს დასამახსოვრებლად.

მშობლებთან მუშაობაში განსაკუთრებული მნიშვნელობა აქვს საბავშვო ბაღის აღმზრდელობითი მუშაობის შინაარსისა და მეთოდების გაცნობას. ეს ტარდება მშობლების მორიგეობის დროსაც, მორიგეობას ავალბენ ისეთ მშობლებს, რომლებსაც თავისუფალი დრო აქვთ. მორიგე მშობლების გამოყენება არაა საჭირო უმთავრესად ტექნიკურ სამუშაოზე. საჭიროა იმათ მიეცეს შესაძლებლობა თვალყური ადევნონ: ბავშვები როგორ თამაშობენ, როგორ ძეგწავენ, ხატავენ, მღერაან, როგორ ექცევიან ერთმანეთს, როგორი მიდგომა აქვს აღმზრდელს კერძოდ თითოეული ბავშვისადმი.

შეიძლება მშობლებს პატარა-პატარა დავალებები მიეცეს: თვალყური ადევნონ ბავშვებს ხელების დაბანის დროს, დაეხმარონ ბავშვებს ჩაცმაში, ბავშვებთან ერთად დაალებონ სათამაშოები და სხვა. ყველაფერი ეს შეეძლოს მშობლებს გამოახონონ რაც შეიძლებ-

ბა სწორი მიდგომა თავისი ბავშვების მიმართ, ვადაიტანონ ოჯახში აღზრდის საუკეთესო ხერხები.

თავის მხრივ მშობლები ხშირად იძლევიან მნიშვნელოვან წინადადებებს, რომლებიც შეიძლება გამოყენებული იქნას ბავშვებთან მუშაობაში. არის შემთხვევები, როდესაც აღმზრდელს ბავშვის მშობლების ნახვა არ შეუძლია (გვიან თავისუფლდებიან მუშაობიდან, ან ზაფხულში, როდესაც ბავშვი ახალშენშია წასული), იმას კი სჭირდება მათთან მოლაპარაკება ჯანმრთელობის მდგომარეობის შესახებ, მადისა და ამათუიმ არა სასურველ ჩვეულებათა შესახებ, ასეთ შემთხვევაში აღმზრდელი მიწერ-მოწერას აწარმოებს მშობლებთან.

მშობლებთან მუშაობაში დიდი მნიშვნელობა აქვს მშობელთა ჯგუფურ კრებებს; ისინი 2-3 თვეში ერთხელ ტარდება. ამ კრებებზე აღმზრდელი აცნობს მშობლებს ჯგუფთან აღმზრდელითი მუშაობის შედეგებს. აღნიშნავს განსაკუთრებით თვალსაჩინო მომენტებს ბავშვთა ცხოვრებიდან, უამბობს როგორ და რას თამაშობენ ბავშვები, რომელი წიგნები უყვართ კვლეაზე მეტად, როგორ სიმღერებს მღერიან, როგორი ვასართობი უფრო იზიდავს ბავშვებს, როგორ და რას ხატავენ ბავშვები, როგორაა განვითარებული მათი მეტყველება და სხვა.

კონკრეტული მასალით სარგებლობის დროს, აღმზრდელს ცალკე საკითხების წამოყენებაც შეუძლია, მაგალითად სათამაშოებისა და თამაშის შესახებ, საბავშვო ლიტერატურის, მეტყველების განვითარების, რეჟიმისა და მისი მნიშვნელობის, ბავშვთა ვასართობებისა და სხვათა შესახებ.

თავის მხრივ მშობლებიც უამბობენ თავის ბავშვებისა და იმის შესახებ, თუ როგორ ზრდიან მათ ოჯახში. ყოველ კრებისათვის აღმზრდელი გულმოდგინედ უნდა მოემზადოს: შეადგინოს თავისი საუბრის გეგმა, წაიკითხოს შესაფერისი ლიტერატურა, შეარჩიოს ბავშვთა ნამუშევარი და სხვა მასალა მშობლებთან საუბრის ჩასატარებლად.

ჯგუფურ კრებაზე ექიმი აკეთებს მოხსენებას ჯგუფის ჯანმრთელობის მდგომარეო-

ბისა და ცალკეულ ბავშვთა ჯანმრთელობის შესახებ.

**მშობელთა საერთო კრებებს მართავენ** საკრებულის მიხედვით, მაგარა არა ნაკლებ 3-4-სა წლის განმავლობაში. ისინი აცნობენ მშობლებს საბავშვო ბაღს და აცხოველებენ მათ ინტერესს ბაღისადმი. ამ კრებებზე წამოყენებული უნდა იყოს საკითხები, როგორც ორგანიზაციული ისე აღმზრდელითი ხასიათისა. ორგანიზაციული საკითხები ისაა, რომელნიც მშობელთა მთელი კოლექტივის განსჯას მოითხოვენ, მაგალითად: ბავშვების გაყვანა ავარაჯზე, ახალი სამუშაო წლისათვის მზადება, მშობელთა კომიტეტის არჩევა, ვამის საანგარიშო მოხსენება და სხვ. აღმზრდელითი საკითხები ასეთია: აღმზრდელითი მუშაობის მდგომარეობა საბავშვო ბაღში, დღესასწაულების მნიშვნელობა, ექიმის მოხსენება და სხვ.

კრებამდე ან კრების შემდეგ ვარგია მშობლებმა დაათვალიერონ საბავშვო ბაღი, გაეცნონ თამაშისა და მეცადინეობისათვის საჭირო მოწყობილობას, სათამაშოებსა და ხელსაწყობებს. ეს აგრეთვე აცხოველებს მშობლების ინტერესს საბავშვო ბაღისადმი, იწვევს მათში მთელ რიგს შეკითხვებს. დროგამოშვებით შეიძლება მშობლებისათვის მხატვრული საღამოები მოეწყოს. ამ საღამოებზე იმართება მოხსენებები ბავშვის წიგნის, ზღაპრის, მხატვრული თხრობისა და სხვ. შესახებ. შეიძლება მოიწვიონ საბავშვო მწერლები, მუსიკოსები, მთხრობლები, მომღერლები, რომლებიც ვაცნობენ მშობლებს საბავშვო სიმღერებს. უამბობენ ზღაპრებს, წაიკითხავენ წიგნებს.

ასეთ საღამოებზე მშობლებს შეუძლიათ თავისი შემოქმედებითი თვითმოქმედება გამოიჩინონ.

მშობლებთან ერთად შეიძლება ექსკურსიის მოწყობა სხვა საბავშვო ბაღში, მუზეუმებში (რეგულუცი, სათამაშოების და სხ.). საბავშვო ბაღის მუშაობით განსაკუთრებით დინტერესებულ მშობელთა პატარა ჯგუფისათვის შეიძლება ჩამოყალიბდეს საბავშვო ლიტერატურის, თამაშობების, სათამაშოების,

39-02

საქართველოს  
საბჭოთაო  
რევოლუციური  
პარტია

ნადვის ხის მოსართავ სამკაულების დამზადებისა და სხვათა წრეები. ერთი საკითხის შინაარსმა უნდა შეავსოს 5-6 მეცადინეობა.

საბავშვო ბაღში საჭიროა გამოიყოს ადგილი მშობელთა კუთხისთვის, საჭიროა მოეწყოს პერიოდული გამოფენები. ასეთ კუთხეში გამოკიდულია საბავშვო ბაღის რეჟიმი, ხუთღობის სანიმუშო გეგმა, ბავშვებთან მეცადინეობის სანიმუშო განაწესი ოჯახში მისი ბაღიდან დაბრუნების შემდეგ და გამოსასვლელ დღეს.

კუთხეში საჭიროა ბავშვებისთვის შესაფერისი საკითხავი წიგნების სია, წიგნებისა და საბავშვო ტანსაცმლის ნიმუშები და თარგები იმ მასალებისა და სათამაშოების, რომლებითაც ბავშვები სახლში იმეცადინებენ და ითამაშებენ. აქვე უნდა იყოს ბავშვების ნამუშევარის ნიმუშები, ფოტო, რომელიც გამოხატავს სხვადასხვა მომენტებს ბავშვების ცხოვრებიდან. ყველაფერი ეს დაეხმარება მშობლებს თვალსაჩინოდ დაინახონ ბავშვთა აღზრდის მიღწევები, უკეთესად გაიგონ საბავშვო ბაღის მუშაობა, გამოიყენონ აღზრდელობითი ჩვევები ბავშვის აღზრდისას ოჯახში. გამოსაფენი მასალის გადახალისება სისტემატურად უნდა ხდებოდეს. მაგალითად ნაძვის ხის მოწყობილობასთან დაკავშირებით კარგია გამოიკიდოს მითითება იმის შესახებ, თუ როგორ მოუწყონ ბავშვს დღესასწაული ოჯახში, რა აჩუქონ, როგორ გაართონ, გამოსაფენი მასალის მშობლები დამოუკიდებლად და საბავშვო ბაღის მუშაკების დახმარებით ეცნობიან, როდესაც მშობლები ბავშვებს მიაკითხავენ, გამგე ან აღზრდელი იმათ ყურადღებას ახალ მასალაზე შეაჩერებს,

თითოეულ მათგანს ცალკე ადგილი რჩევას.

ახალშენიდან დაბრუნების შემდეგ, სამუშაო წლის ბოლოში, შეიძლება ბავშვების ნამუშევრების გამოფენის მოწყობა. ამ გამოფენაზე შეძლებისდაგვარად ყველა ბავშვის ნამუშევარი უნდა იყოს მოცემული; ნაჩვენები უნდა იყოს იმათი წინსვლა ყოველი ბავშვის ნამუშევარის გამოფენის საშუალებით. შეიძლება მოეწყოს საბავშვო სათამაშოსა და საბავშვო წიგნის გამოფენა.

როგორც კუთხის, აგრეთვე გამოფენის მასალა მხატვრულად უნდა იყოს გაფორმებული. ყოველ საბავშვო ბაღში გამოკიდებული უნდა იყოს საინფორმაციო მასალა მშობლებისათვის, წესები, განცხადებები მშობელთა კრებებისა და წრეების შესახებ, ექიმის მიერ მშობლების მიღების დრო და სხვ.

საბავშვო ბაღის საზოგადოებრივი მუშაობა მარტო ოჯახთან მუშაობით არ უნდა განისაზღვრებოდეს, განსაკუთრებით იმ საბავშვო ბაღებში, რომლებიც წარმოებას ემსახურებიან.

პედაგოგიური პრობლემის მიზნით საბავშვო ბაღის მუშაკები წარმოების კედლის გაზეთში იღებენ მონაწილეობას, აწყობენ გამოფენებს წარმოებაში, საფაბრიკო-საქარხნო კომიტეტების პლენუმზე, აკეთებენ მოხსენებებს აღზრდის სხვადასხვა საკითხის შესახებ და აგრეთვე საანგარიშო მოხსენებას თავისი მუშაობის შესახებ, ათავსებენ წერილებს გაზეთებში.

პ მგ. რედაქტორი ლ. ბებეშიძე